



Ortnetnjuolggadusat

1. Skuvlaguovlu

Skuvlaguvlui gullet sihke skuvlavisti ja dasa gullevaš šiljo- ja parkerenguovllut ja buot dat sajit ja guovllut gos oahppadiimmut ja eará skuvlla dáhpusat lágiduvvojit.

Skuvlavisttis ii oaččo geavahit olgogápmagiid. Gápmagat guđđojit daidda várrejuvvon sajiide.

2. Skuvlaáigi

Skuvlaáigin lohkkjuvvo

1. lohkanortnega mieldásaš bargobeaivi oktan skuvlamátkkiiguin
2. logahaga reaissut, oahppogalledeamit ja skuvlla guovllu olggobealde ordnejuvvon dilálašvuodát nu ruovttueatnamis go olgoriikkain
3. skuvlaorganisašuvdnii gullevaš searvvádagaid, servviid ja rieggáid dilálašvuodát

3. Mieldeorrun skuvllas

Logahatlága mielde stuđeanta galgá searvat oahpahussii, jos sutnje ii leat miedihuvvon dasa sierralohpi. Eretorrumii galgá bivdit lobi čálalaččat Wilma bokte. Lobi eanemustá viđa beaivvi eretorrumii miediha joavkojodiheaddji ja guhkit eretorrumiidda lobi miediha rektor.

Jos stuđeanta lea eret dalle go lobi ii leat ovddalgihtii sáhttán bivdit galgá eretorruma čielggadit Wilma bokte dahje ovdamearkka dihte doaktára dahje dearvvasvuodadikšára duodaštusain. Vuolleahkásaš stuđeantta buohta eretorruncilgehusa dahká fuolaheaddji;stuđeanta ii sáhte ieš čielggadit iežas eretorruma. Buot eretorrumat galget leat čielggaduvvon ovdal go stuđeanta sáhttá oažžut oahppooasis čađahanmerkema.

Loahpahanvahku eretorrumiid galgá čielggadit doaktára dahje dearvvasvuodadikšára duodaštusain ja eará dáhpáhusain eiseváldeduodaštusain. Duodaštusgeatnegasvuohta guoská buot eiseváldefitnamiid. Jos stuđeanta lea muđui čađahan oahppooasi, muhto lea eret iskosis almmá dohkkehuvvon siva geažil, stuđeantta oahppooasi čađaheapmi ii árvoštallo. Jos stuđeanta lea eret iskosis, ja sus lea dasa áššáigullelaš sivva, sáhttá su guoddit. árvoštallakeahtá dassážiigo, go iskus lea čađahuvvon. Dalle oahppooasi čađaheapmin merkejuvvo T (galgá dievasmahttit).

Ovttá oahppočuoggá oahppooasis njealját eretorrumis čađaheapmi gaskkalduvvá. Guovtti oahppočuoggá oahppooasis guđát eretorrumis čađaheapmi gaskkalduvvá. Golmma oahppočuoggá oahppooasis gávccát eretorrumis čađaheapmi gaskkalduvvá. Čađaheami joatkimis sáhttá stuđeanta ságastallat oahpaheaddjiin, nu ahte soai ovttas árvoštallaba, leago oahppooasi joatkin vejolaš.

Vuoigatvuoda čađahit oahppooasi sáhttá gielddit stuđeanttas liiggálaš eretorrumiid geažil fuolakeahtá das, mii lea sivvan eretorrumiidda, jos oahpaheaddji oaidná, ahte son ii bastte árvoštallat oahppooasi danin go máhttima čájeheapmi váilu. Jos geavvá nu, ahte stuđeanta ii sáhte joatkit oahppočađaheami, oahppi fuolaheaddjái almmuhuvvo ášši birra.

Stuđeantta geatnegasvuohta lea čielggadit mii oahppodiimmus lea dahkkojuvvon, mii lea addojuvvon ruovttubargun ja stuđeret iehčanasat eretorrundiimmuid áššiid ja doibmemin juohke láhkai aktiivvalaččat ja luohtehahti láhkai iežas eretorrumiid čielggadeamis ja buhttemis. Oahpaheaddji sáhttá gáibidit máhttima čájeheami iehčanas stuđeremis juohke eretorrunearddi manjá.

4. Vearrivuohta ja plagieren

Jos stuđeanta áššáskuvvá iskosiin dahje eará čađahemiin vearrivuhtii dahje figgá verrošit dahje guođđá oahpaheaddjái árvoštallama várás plagiáhta, oahppooassi ii árvoštallo. Stuđeanttas ii leat maiddái vuoigatvuohta oassálastit ođđasistentemii muhto son galgá oassálastit oahppooassái ođđasit Vearrivuohtan gehččojuvvo maiddái dahkujierpmi lobihis geavaheapmi.

Vearrivuohtan iskosis gehččojuvvo earret eará buot badjelmearálaš rusttegiid, dego mobiilarusttegiid, hálddusdoallan. Iskkuslanjas mobiilarusttega ii oaččo doallat oidnosis, dahje das sáhtta čuovvut iskosa hilgun. Stuđeantačállosiid áigge mobiilarusttega dahje diimmu ii oaččo buktit iskkuslatnjii. Vearrivuohtan gehččojuvvo maiddái nuppi stuđeantta veahkeheapmi iskosis, dahje bargobihtá barggaheapmi nubbái ja bargobihtá dahkan nubbái.

Ovdalgo ovddabealde dárkkuhuvvon čuovvumuš mearriduvvo stuđentii, almmuhuvvo makkár dagus su eahpidit ja de su gullat. Vearrivuođas diedihuvvo álo fuolaheaddjiide.

5. Beaivválaš bargan

Skuvllas láhttet ráfálaččat oahppodiimmuin diibmogaskkain, boradanbáikkis skuvlla dilálašvuodain ja skuvlla olggobealde. Stuđeanttas lea geatnegasvuohta láhttet givssitkeahtta ja olgguškeahhtta geange. Dan lassin stuđeanta galgá doibmet nu, ahte son ii dagat vára vuollái eará oahppiid dahje, skuvlaservoša dahje skuvlabirrása dorvvolašvuoda dahje dearvasvuoda.

Oahppodiimmut álget ja nohket aiddolaččat skuvlla lohkanortnega dahje skuvlla sierra almmuhan áigetávvala mielde. Oahppodiimmuide galgá boahtit aiddolaččat. Oahpaheaddji maŋŋá oahppodiimmuide bohtán stuđeanttat gehččojit leat maŋŋonan. Oahpaheaddji sáhtta váldit maŋŋonan stuđeantta oahppodiimmuide, jos das ii šatta hehttehus eará oahppiide. Juohkehaččas lea vuoigatvuohta spáitui. Oahpaheaddjit merkejit maŋŋonemiid Wilmai. Golmma maŋŋoneamis bohtá lobihis eretorrun.

Oahpaheaddji dahje rektor sáhtta mearridit stuđeantta, guhte láhtte eahpeáššálaččat, vuolgit eret oahppodiimmus. Eahpeáššálaš láhttemis ja maŋŋonemiin sáhtta čuovvut

cuiggodeapmi, oktavuodaváldin ruoktut, čálalaš váruhus dahje mearreáigásaš skuvllas eretbidjan.

Mobiilarusttegiid, dihtoriid dahje eará elektrovnnalaš rusttegiid geavaheapmi oahppodiimmuin lea lobálaš dušše oahpaheaddji lobiin. Dat geavahuvvojit duššefal stuđeremii. Juohkehaš fuolaha diehtostivremis ja doallá beassansániid iežas diehtun. Nuppiin olbmui váldon govva- dahje jietnamateriála, ii oaččo almmustahttit almmá dán olbmo lobi interneahpas, sosiála medias dahje eará almmolaš sajis.

Skuvlla opmodaga galgá giedahallat fuolalaččat. Luoikkahuvvon oahppogirjiid sihke eará stuđerema várás fállon biergasiid doallat skihkalaččat ja máhcahit rávvagiid mielde. Jos stuđeanta láhppá dahje bilida skuvlla opmodaga, studeanttas sáhtá bearrat buhtadusa. Juohkehaš fuolaha iežas luohkás ja skuvlavisttis iežas bázahusaid áššáigulleaš lihtái ođđasit ávkkástallama várás.

Diibmogaskkat leat oaivvilduvvon virkkosmahttimii ovdal oahppodiibmu. Stuđeanttat sáhttet vuolgat eret skuvlaguovllus iežas ovddavástádusain diibmogaskkaid ja boradandiimmuid áigge. Iežas nisttiid návddašit diibmogaskkaid áigge. Oahppodiimmuid áigge eat bora. Skuvlla boradeamis čuovvut buoriid dábiid. Stuđeanttat, geat loktet áiggi skuvlla oktasaš lanjain, eai oaččo hehttet oahppodiimmuid. Stuđeantačállosiid áigge čuovvut sierra rávvagiid.

6. Gárrenávdnasat

Buot duhpát- ja nikotiidnabuktagiid geavaheapmi lea duhpátlága vuodul gildon skuvllas ja dan guovllus ja skuvlavázzimii gullevaš dilálašvuodain.

Stuđeanta ii oaččo leat gárrenávdnasiid dahje narkotihkaid váikkuhusa vuolde gosge skuvlavázzimii gullevaš dilálašvuodas. Stuđeanta ii oaččo buktit gárihuhtti ávdnasiid skuvlii, skuvla guvlui dahje skuvlla dilálašvuodaide.

7. Eará mearrádusat

Daid áššiin maid birra ii ortnetnjuolggadusain sierra máinnašuvvo, čuovvut gustojeaddji almmolaš lágaid, gustojeaddji logahatlága ja eará logahaga guoskevaš njuoelggadusaid ja mearrádusaid. Eahpečielga dáhpusaid čoavdá logahaga rektor.